



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciae**

**Chyträus, Nathan**

**[Herborn], 1599**

**VD16 C 2803**

Tridentina. In Tridentum Jul. Cæs. Scaliger.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

sis concivi suo desiderabili, honore accepto, monumenta  
posuit. M. CCCC. LXXXVIIII. Cal. Maji.

*Functus eram, sed tum veteri praeclarus honore  
Vivebam, perit nunc quoque, vita mihi est.*

## IN PALATIO P. JOVII.

Vividæ foecundæque virtuti Mæcenates nunquam  
defunt.

Fato prudentia minor.

## ALIBI.

*Quo juvenis properas, oculos huc flecte parumper,  
Latus eris, sed mox non sine lacrymulis.*

## IN TEMPLO.

Quem invida mors vult esse mortuum, historia, patria,  
orationes & carmina Benedictum Jovium mori non si-  
nunt. Julius Episcopus Nucerinus memoriae patris opt.  
P. 1556.

SUB STATUA ATTILII GRAMMA-  
TICI COMENSIS.

*Morborum vitia & vita mala maxima fugi:  
Nunc careo poenis; pace fruor placida.*



## TRIDENTINA.

IN TRIDENTUM JUL. CÆS.

SCALIGER.

**N**obilis Italico qua prima urbs imminet orbi,  
Ausoniis miscet Norica verba sonis.

Romanum ingenium est, animus Germanus, acerbæ

Ultio, si obducta est nube serena fides.

Accipere à Veneto, cujus pars, milite leges

Hac potuit si non; & valet ipsa dare.



GEORGII FRONSBERGII  
*tumulus.*

Ad eum modum armatus prælium concivit ante Papiam, Gallos cecidit, castra cepit, obsessos extrema patientes servavit.

MEMORIÆ DEFUNCT. S.

Georgio Fronsbergo Imp. decretis Germanici exercitus Duci, qui per Tirolim defectionem colonorum compressit: per Liguriam & regionem Transpadanam Italiae urbes, populos rebelles perdomuit: ad paludes Venetas & turrin usque Mergeram victor accessit: ferro, igni urbem terruit: socias civitates oppugnatas, exercitumq; ad loca iniqua delapsum, ex hoste confertiss. obsidione quartum & quintum liberavit. vicies, plus minus, signis collatis pugnavit: fortitudine, celeritate, animo consilioq; rebus inclinatis præsentissimum se & invictum præstitit. post ingentia facta vita perfuncto patri opt. Gasperius F. pietiss. gemens illachrymansque mon. more majorum religiosè P. An. Christiano 1528. mens. Aug. 20. obiit diem. Vixit an. 54.

APUD S. MARCUM.

DOROTHEÆ TONÆ.

Pudicitia, prudentia, venustate atque moribus insigni, uxori cariss. & benemeritæ, Andreas Burgius Cremonen. eques & Cæsareus consiliarius, maritus mcestiss. posuit. Vixit an. xxx. mens. ii. dies iii. Obiit die x. Octobr. M. D. xx.

*Quid gemis heu tanto felicia funera luctu?  
Turbantur lacrumis gaudia nostra tuis.  
Parce precor tristes questus effundere, vixi.  
Non erat in fati longior hora meis.  
Immatura peris, sed tu diuturnior annos  
Vive meos conjux optime, vive tuos.*

ALIUD.

L. Romulus Pincius Mantuanus Juris utr. Doctor, Protonotarius



tonotarius Apostolicus, ac Canonicus Tridentinus, pluribus honoribus sub Ferdinando Ser. Rom. Imp. & sub illmo ac Rmo D. Bernardo Clesio Card. & Episcopo Trident. functus, quicquid á terra accepit, huic sepulcro cõmendat; quod veró é cælo, spe plenus, ac gaudēs Deo reddidit. Vix. an. LXX. mens. III. Obiit M. D. LXXIIII.

ALIUD.

Dei Opt. Max. laudibus personandis Joannes Antonius Zuriet organum cum opere marmoreo faciendum C. pecunia sua. Bernardo Clesio Cardinale Tridentinis impetrante. M. D. XXXIIII. Vincent. Vicentin. faciebat.



PUTEOLIS.

PUTEOLIS visuntur ossa stupendæ magnitudinis cum hac inscriptione, cujus autor perhibetur Pomponius Lætus:

*Huc quicumq; venis stupefactus ad ossa Gigantum,  
Disce cur Hetrusco sint tumulata solo.  
Tempore quo domitis jam victor agebat Iberis  
Alcides captum longa per arva pecus;  
Colle Dicaarcho claraq; arcuq; Typhones  
Expulit, & cessit noxia turba Deo.  
Hydruntum petiit pars, & pars altera Tuscos,  
Interiit victus terror uterq; loco.  
Hinc bona posteritas immania corpora servat,  
Et tales mundo testificatur avos.*

INSCRIPTIO LAPIDIS NUPER  
in mari reperti.

Imp. Cæs. Divi Hadriani F. D. Trajani Parthici nepos.  
D. Nerve pronepos. T. Ælius Hadrianus Antoninus Aug.  
Pius. P. M. Trib. pot. II. Cos. II. Desig. II. P. P. Opus Pilar.  
VI. maris collapsum á Divo patre suo pmissum restituit.